

## ՀԱՅՐԵՆԱԿԱՆ ՊԱՏԵՐԱԶՄԻ ԱՐՏԱՑՈՒՄԸ ՍՈՎԵՏԱՀԱՅ ՎԵՊՈՒՄ

### Զ. Հ. ՂՈՒԽԱՅԱՆ

Վերջին տասր-տասնհինգ տարում, մասնավորապես ՍՄԿՊ XX համագումարից հետո, ինչպես ամբողջ սովետական, այնպես էլ սովետահայ գրականությունը վերելքի շրջան ապրեց: Դրա ապացույցներից մեկն էլ նոր թեմատիկայով մի շարք վեպերի հրապարակ գալն էր: Ծավալուն երկերի նյութ դարձան հայ ժողովրդի ռևոլյուցիոն զարթոնքը, ժամանակակից սովետական իրականությունն իր տարբեր կողմերով, սփյուռքահայության կյանքը: Շատ վեպեր գրվեցին նաև Սովետական Միության հայրենական մեծ պատերազմի մասին: Քանի դեռ պատերազմը չէր վերջացել, սովետական գրողները, բնականաբար, հնարավորություն չունեին լայն կտավի գիմելու: Այն ժամանակ դարգացավ ակնարկի ժանրը: Բայց դեռ պատերազմի ժամանակ միութենական գրականության մեջ հրասլարակ եկան նաև վիպակներ: Դրանց մեջ նշանակալից էր, օրինակ, Ալ. Բեկի «Վոլոկալամսկի խճուղին»: Դեռ նոր էին լույս թողանոթները, երբ սովետական գրականության մեջ երևացին նաև հայրենական պատերազմին նվիրված ծավալուն կտավներ՝ Մ. Բուրեննովի «Սպիտակ կեչին», Ա. Ֆադեևի «Երիտասարդ զվարդիա», Օ. Դոնչարի «Դրոշակակիրներ», Բ. Պուկոյի «Պատմվածք իսկական մարդու մասին» և մի քանի այլ վեպեր, որոնք նոր էջ բացեցին սովետական վեպի պատմության մեջ: Մ. Շոլոխովի «Երանք մարտնչում են հայրենիքի համար» վեպի հատվածները ցույց են տալիս, որ այն սկսված է վեպ-էպոպեի՝ մոնումենտալ ստեղծագործության պլանով:

Այդպիսի պատկեր նկատվեց նաև սովետահայ գրականության մեջ: Պատերազմի սկզբից շատ հայ գրողներ գտնվում էին ռազմաճակատում և թե բանակային թերթերում, թե՛ թիկունքի պարբերականներում գրում էին հայրենասիրությամբ տոգորված ակնարկներ, փառաբանում սովետական ռազմիկների հերոսությունը: Ականատեսի գրչով, ռազմաճակատային իրադարձությունների թարմ տպավորություններով Հր. Քոչարը գրեց իր ակնարկները, որոնց մեջ ցույց էր տալիս ժողովուրդների եղբայրությունը և դրա գերը պատերազմում հաղթանակը կոփելու համար, վեր էր հանում սովետական մարտիկների քաջակորով բնավորությունները: Քոչարի «Սրբազան ուխտ» ակնարկների ժողովածուն լուրջ ավանդ հանդիսացավ հայրենական պատերազմին նվիրված սովետահայ արձակի մեջ: Լավ ընդունելություն գտավ Հմ. Սիրասի «Հայր և որդի» պատմվածքների ժողովածուն: Ակնարկներով ու պատմվածքներով հանդես եկան շատ ուրիշ գրողներ ու լրագրողներ:

Վյանքի առաջադրած պահանջի հետ միասին հայրենական պատերազմի մասին վեպերի ստեղծմանը մեծապես օգնեցին դեռևս պատերազմի ժամանակ լույս տեսած՝ Դ. Դեմիրճյանի «Վարդանանք» և Ստ. Զորյանի «Պապ թագավոր» պատմավեպերը: Թեև նրանք վերաբերում էին հայ ժողովրդի հեռու



անցյալի ազատագրական կռիվներին, բայց իրենց զաղափարական հնչեղությունը, պատմության մեջ ժողովրդի ղերի իրենց խորը փիլիսոփայությամբ այժմեական էին. գտնվում էին արվեստի այնպիսի մակարդակի վրա, որ հայրենական պատերազմի մասին ծավալուն արձակի համար ամուր հիմք ստեղծեցին:

Պատերազմն ավարտվելուց անմիջապես հետո սովետահայ գրականության մեջ երևան եկան մի շարք վեպեր ու վիպակներ: 1946—49 թթ. լույս տեսան Քր. Թափալցյանի «Պատերազմ» վեպի առաջին ու երկրորդ հատորները, 1950 թ. Սերո Խանդավյանի «Մեր գնդի մարդիկ», Հմ. Սիրասի «Արարատ» վեպերը: 1952 թ. լույս տեսավ Հր. Քոչարի «Մեծ տան զավակներ» վեպի առաջին գիրքը, իսկ 1959 թ. վեպն ամբողջությամբ, երկու դրքով. հեղինակը հիմնովին վերամշակել էր վեպի յոթ տարի առաջ լույս տեսած առաջին մասը: 1954—1958 թթ. լույս տեսան հայրենական պատերազմին նվիրված ևս մի քանի վեպ՝ Ար. Մելիքյանի «Հատուցում»-ը, Մ. Շաթիրյանի «Զինվորներ»-ը, Գ. Սևվունցի «Գերիներ»-ը, Մ. Ասլանյանի «Աներևույթ հակատ»-ը, իսկ 1960 թ. Քր. Թափալցյանի «Պատերազմ» վեպի երրորդ հատորը և այլ վեպեր: 1960—1963 թթ. սովետահայ արձակը հարստացավ հայրենական պատերազմին նվիրված ևս երկու վեպով՝ Բաղիշ Հովսեփյանի «Սերմնացանները չվերադարձան» և Մկրտիչ Սարգսյանի «Կյանքը կրակի տակ»: Այսպիսով, 1945—1963 թթ., այսինքն 15—18 տարիների ընթացքում ստեղծվեց վեպերի մի ամբողջ շարք՝ Սովետական Միության հայրենական մեծ պատերազմին հայ ժողովրդի բազմակողմանի մասնակցության մասին:

Պատերազմի մասսայական բնույթը, իրադարձությունների մեծությունը թելադրեցին վեպի այն տեսակը, որ գրական քննադատության մեջ որակվեց իբրև «բազմապլան», «բազմահերոս» վեպ և որը տիրապետող էր նշված ժամանակաշրջանի սկզբում, իսկ վերջին տարիներս, ընդհակառակը, արդեն բացառություն է: Վերը թվարկված վեպերից շատերը բազմապլանային են, ընդգրկում են կյանքի տարբեր բնագավառներ՝ ռազմաճակատ և թիկունք, դյուղ և քաղաք, արվեստագետի աշխատասենյակ և գործարան: Նրանց մեջ գործողություններին մասնակցում են բազմաթիվ հերոսներ, որոնցից շատերն ունեն իրենց առանձին սյուժետային գծերը, բնավորության զարգացման տարբեր եղանակներ:

Պատերազմին նվիրված վեպերում հերոսների բնավորությունները մեծ մասամբ բացահայտվում են ոչ թե հատուկ պրոբլեմի կամ կոնֆլիկտի շուրջը առաջացած կապերի ու փոխհարաբերությունների, այլ պատերազմի հաջորդական փուլերի, էտապների ընթացքում նրանց ներքին զարգացման միջոցով: Այդ պատճառով դրանք կարելի է անվանել «վեպ-խրոնիկաներ»: Բայց միաժամանակ պետք է նշել, որ այս բնորոշումով չի կարելի կանխորոշել նրանց գեղարվեստական մակարդակը: Թե՛ բազմապլանայնության և թե՛ վեպ-խրոնիկայի սկզբունքով կառուցված շատ վեպեր նշվել են որպես ժամանակակից սովետական վեպի հաջողություններ: Նկատելի է նաև, որ բազմապլան վեպի համար պարտադիր չէ վեպ-խրոնիկայի սյուժեն, ինչպես որ վեպ-խրոնիկայի համար պարտադիր չէ բազմապլանայնությունը:

Կապ ունենալով իրականության առանձնահատկությունների հետ, վեպերի այս կառուցվածքը կյանքի կոշվեց նաև որոշ տրագիցիաների հիմքի վրա: «Պատերազմ և խաղաղություն» հանճարեղ էպոպեան բազմապլան վեպ է:

նույնը կարելի է ասել «Խաղաղ Դոն»-ի մասին: Վեպ-խրոնիկան նույնպես որոշ տրագիցիաներ ունի, որոնք կապված են սոցիալիստական ոեալիզմի վեպի հետ: Քննադատական ոեալիզմի վեպի համար բնորոշ չէր ժողովրդի մարդկանց մասսայական մուտքը երկի մեջ, նրանց զլխավոր հերոս լինելը կամ դործողությունների կենտրոնում գտնվելը: Մինչդեռ սոցիալիստական ոեալիզմի վեպի հերոսները թե՛ շատ էին և թե՛ մարմնավորում էին կյանքի վերափոխման համար ակտիվ պայքարի ելած հասարակ ժողովրդի մարդկանց, Բավական է հիշել սոցիալիստական ոեալիզմի առաջին նշանավոր վեպերը Գորկու հանրահայտ «Մայրը» և Սերաֆիմովիչի «Երկաթե հեղեղը»: Երևալով նաև ընտանեկան, սիրային, ազգակցական և այլ հարաբերությունների ոլորտի մեջ, այդ վեպերի հերոսներն իրենց դրսևորում են հիմնականում սոցիալական ու հասարակական-քաղաքական կյանքի բարդ հարաբերությունների ասպարեզում: Դրա հետևանքով հաճախ սյուժեի դիմ է կատարում մեծ դեպքերը՝ ժամանակագրական կարգով, և ստացվում է վեպ-խրոնիկա: Բնորոշ է, օրինակ, որ սովետահայ վեպերից այդ բնույթն ունեն հայ ժողովրդի ռեուլացիոն զարթոնքն արտացոլող վեպերը: Հայրենական պատերազմին նվիրված վեպերից վեպ-խրոնիկայի սյուժե ունեն Հր. Քոչարի «Մեծ տան զավակները», Ս. Խանզադյանի «Մեր զնդի մարդիկ», Բ. Հովսեփյանի «Սերմնացանները չվերադարձան», Մ. Սարգսյանի «Կյանքը կրակի տակ» և այլ վեպեր ու վեպակներ:

Սակայն, ինչպես հայտնի է, վճռողը դրողի տաղանդն է, մեծ թեման գեղարվեստորեն իմաստավորելու նրա փորձն ու վարպետությունը: Կան դեպքեր, երբ վեպի բազմապլանայնությունը, ծավալը արդարացնում է հայրենական պատերազմի պատասխանատու թեման: Վիպասանը կարողանում է դեպքերի հաջորդականությունն էլ օգտագործել՝ իրականությունը պատմական հավաստիությամբ արտացոլելու և լայն ընդգրկումների համար, կոնկրետ փաստը դարձնել գեղարվեստական ճշմարտություն և նրա մեջ հայտնաբերել պատերազմի զլխավոր հերոսի՝ շարքային մարտիկի ճշմարիտ գիմանկարը: Սակայն կան և այնպիսի դեպքեր, երբ հեղինակին զրավուղը դեպքերի արտաքին մեծությունն է, երբ նա չի կարողանում տարբերել էականը երկրորդականից և ստեղծում է նկարագրություններով առատ, շինծու կոնֆլիկտների վրա հարմարեցված վեպ: Անցած տասնամյակի հատկապես առաջին տարիներին հրապարակ եկած բազմապլանային վեպերից շատերը տառապում էին նկարագրայնությամբ, լուսանկարչությամբ կամ, ինչպես ընդունված է ասել՝ հիվանդոտ գիրությամբ:

Քր. Թափալցյանի «Պատերազմ» վեպը բազմապլան և բազմահերոս վեպ է: Մեծ ընդգրկումների փորձը այս դեպքում թեև պարզ արտացոլման իմաստով որոշ պատկերացում տալիս է ժամանակաշրջանի մեծ իրադարձությունների մասին, բայց չի ստեղծում գեղարվեստորեն իմաստավորված պատկերներ, հոգեպես հարուստ կերպարներ: Հեղինակը մի շարք դեպքերում մնում է կոնկրետ մարդկանց, նրանց անձնական կապերի սահմաններում, որը երբեմն տանում է դեպի նատուրալիզմ և զրկում է նրան գեղարվեստական ընդհանրացումների հնարավորությունից:

Մ. Շաթիրյանի «Զինվորներ» վեպը ևս բազմապլան է: Հեղինակն աշխատում է վիպական կապ ստեղծել ռազմաճակատի և թիկունքի միջև, պատկերել ոչ միայն պատերազմող զինվորներին, այլև հեռավոր թիկունքի, կոլտնտեսա-



ին գյուղի մարդկանց: Վեպի այս երկու կողմերն իրար հետ կապող թևերը շատ թույլ են: Մյուս կողմից գյուղի կյանքին հեղինակի թույլ ծանոթությունը միանգամայն աննպատակ է դարձնում վեպի այդ պլանը: Բայց Շաթիրյանի վեպի ռազմաճակատային կյանքը պատկերող մասը շատ է շահում հեղինակի պատերազմական իրադրության լավատեղյակությունից: Շաթիրյանը լավ ծանոթ է նաև իր բնտրած հերոսների՝ օդաչուի, հրետանավորի մասնագիտություններ, այդ պատճառով նրա ռազմիկները ճշմարտացի ու համակրելի են:

Հայրենական պատերազմին նվիրված մի քանի վեպերի համար ևս բնորոշ է ձգձգվածությունը, դեպքերի մեծության միայն արտաքին պատկերումը, նաև սխեմատիզմն ու հոետորականությունը: Բայց դրանցից շատերն, այնուամենայնիվ, կարողացան գեղարվեստորեն բացահայտել պատերազմական իրականության մի քանի էական կողմեր, ստեղծել սովետական մարդու հմայիչ կերպարներ:

Ամենից առաջ պետք է նշել, որ հայրենական պատերազմին նվիրված վեպերի գաղափարական պաթոսը ինտերնացիոնալիզմն է: Գրողներին հաջողվել է պատկերել սովետական ժողովրդի և նրա բանակի ինտերնացիոնալ ոգին, ցույց տալ, որ նախ և առաջ դրա շնորհիվ նրանք հաղթանակ տարան թշնամու դեմ: Հենց նույն Շաթիրյանի վեպում կան ազնիվ, պարզ բնավորություններ, որոնք մարմնավորում են անմիջականորեն ժողովուրդների բարեկամությունն ու մարդասիրությունը: Առանց ճիգերի են պատկերված օրինակ, ռուս գեներալ ճաստրերովի և շաբալին օդաչու Ռուբեն Մարտիկյանի բարեկամությունը, լեյտենանտ Արամյանի և նրա կապավոր Սարիլիի փոխադարձ համակրանքն ու նվիրվածությունը, նույն Արամյանի և մի սովորական ռուս աղջկա՝ Անյայի սերը և այլն: Քր. Թափալցյանի «Պատերազմ» վեպում «Ինտերնացիոնալ դասակին», նրա գինվոր Վուկովին նվիրված էջերը ամենահաջողված էջերից են: Ջնայած որոշ ձգձգվածությունը, Հմ. Սիրասի «Արարատ» վեպում պատկերված են հայ ժողովրդի դարերից եկող բարեկամական զգացմունքները դեպի ռուս և ուկրաինական ժողովուրդները, հեղինակն ստեղծել է ռուս գինվորականի հաջողված կերպար (Դենիսով): Գ. Սևունցի «Գերիներ» վեպում պատկերվում է տարբեր երկրների աշխատավոր մարդկանց հոգեհարազատությունն ու ինտերնացիոնալիզմը: Հեղինակը միշտ չէ, որ կարողացել է խուսափել քիչ հետաքրքրություն ներկայացնող և գեղարվեստորեն լիովին չարդարացված դրվագներից, բայց ամբողջությամբ մեջ նրան հաջողվել է ցույց տալ սովետական մարդկանց և արտասահմանի աշխատավորների փոխադարձ համակրանքն ու նրանց ատելությունը դեպի ֆաշիստական զավթիչները: Գերի բնկած մարտիկներին տանելով երկրից-երկիր, հեղինակը նրանց հանդիպեցնում է անծանոթ, հեռավոր բարեկամների հետ, որոնց պատկերել է կենդանի ու շոշափելի գծերով:

Սովետական բանակի ինտերնացիոնալ ոգին ավելի մեծ մասշտաբներում ու խորությամբ արտացոլվեց Հր. Քոչարի «Մեծ տան զավակները» վեպում: Այս վեպը ևս գերծ չէ հայրենական պատերազմին նվիրված մյուս վեպերին բնորոշ մի քանի թերություններից. պատերազմական առօրյայի պատկերները որոշ դեպքերում ճնշում են վեպի դինամիկ զարգացման վրա, բոլոր հերոսները չեն, որ իրենց անհրաժեշտ դերն ունեն վեպի մեջ: Բայց որպես պատերազմի մասին գրված վեպ, մարտական դործողությունների պատկերներն ի սպաս են դրված հատուկ նպատակի. դրանք դրսևորում են զորքի տարրերի

տրամագրությունները՝ պատերազմի տարբեր էտապներում, այդպիսով ստեղծելով ոչ թե մարտական գործողությունների պարզ նկարագիր, այլ պատերազմի՝ որպես դրամատիկական ու ողբերգական ելևէջներով դեպի հաղթանակ ընթանալու պատմություն:

Վեպի մի այլ բնորոշ հատկանիշն այն է, որ նրանում մի տեսակ սինթեզի են ենթարկված հեղինակի՝ որպես զինվորական թղթակցի, տեսածն ու ապրածը ռազմաճակատում: Նրա ակնարկների շատ հերոսներ եկել ու վիպական հերոսների հետ միասին բնակություն են հաստատել «մեծ տանը»: Վեպի հիմքում գրված է 76-րդ դիվիզիայի մարտական կյանքը. նա Հայաստանից մեկնել է ռազմաճակատ, նահանջելով հասնել Վոլգոգրադ, մասնակցել Վոլգոգրադի պատմական մարտերին և այնուհետև հարձակողական մարտերով հասել մինչև Բելգորոդ և այստեղ էլ, արդեն որպես զվարդիական զորամաս, փառքով պսակել իրեն՝ ծավալուն հարձակողական գործողություններում: Թե՛ դիվիզիան է իրական, և թե՛ նրա անցած ճանապարհն է պատմական իրողություն: Այս տեսակետից Հր. Քոչարի վեպը, բազմապլան և բազմահերոս, նաև վեպ-խորոնիկա լինելով հանդերձ, սահմանակից է պատմավեպին: Պատմավեպի սկզբունքով են նկարագրված նաև տեխնիկայի վիթխարի զանգվածները, զենքի տեսակների փոխգործողությունները պատերազմի տարբեր էտապներում, սովետական նոր տիպի զենքերի գործադրության ժամանակն ու վայրերը:

«Մեծ տան զավակները» վեպում ինտերնացիոնալիզմը մարմնավորված է կենդանի պատկերներով: Հերոսները տարբեր ժողովուրդների զավակներ են: Ընթերցողն ամեն րոպե հանդիպելով նրանցից մեկին կամ մյուսին, ծանոթանում է նրանց ազգային սովորություններին, տրադիցիաներին, երգերին և համակրանքով է լցվում ոչ միայն դեպի այդ հերոսը, այլև նրա ժողովուրդը: Տարբեր ազգությունների մարդկանց միջև տիրում են այնպիսի ջերմ ու սրբաթուղի հարաբերություններ, ինչպես համերաշխ մեծ ընտանիքի որդիների ու դուստրերի միջև: «Մեծ տան զավակները» վերնադիրը շատ սազական է վեպին, ճիշտ արտահայտությունն է վեպի կենտրոնական գաղափարի և տրամաբանության:

Վեպում շատ են այն պատկերները, որոնք արտացոլում են սովետական զինվորների՝ մարտերում կոփված բարեկամությունը, հոգեկան մոտիկությունը: Դրանց թվում առանձնապես հաջող են Աննիկ Զուլայանի և Իրակլիի մարտադաշտում միաժամանակ վիրավորվելիս փոխադարձաբար իրար օգնելու, նույն Իրակլիի և Վանյա Կրասնոփի թաղման պատկերները: Վեպի հերոսների հարաբերությունները խարսխված են ազգային հավասարության զգացմունքի, փոխադարձաբար բոլոր ժողովուրդներին, նրանց անցյալը, կուլտուրան հարգելու զգացմունքի վրա: Նրանց համար խորթ է ազգային առավելության, ազգային սնապարծության կամ նիհիլիզմի գաղափարը:

Քոչարի վեպում հաճախ է զգացվում հեղինակը, որ կանգնած է մարտիկի կամ հրամանատարի կողքին և սրբա հետ խորհում է կամ զգում: Բայց իր հերոսների մեջ հեղինակի այդ ձևով բեկվելը չի տանում դեպի մերկապարանոց գաղափարախոսություն, որովհետև Քոչարը ուրիշ ժողովուրդների պատմության ու տրադիցիաների մեջ թափանցելու յուրահատուկ ձիրք ունի: Գրքում բերված երգերը, տարբեր ժողովուրդների բանահյուսության այլ նմուշները դրա ապացույց են, բայց ավելի հիանալի վկայությունը Օլես Բաբենկոյի կերպարն է և այդ հերոսին վերագրվող տարեգրությունը: Առաջին րո-



պեներին ընթերցողը դժվարանում է հավատալ, որ այդ տարեգրությունը կազմել է մի հայ հեղինակ և ոչ թե ուկրաինացի մի մարդ, որը ոուս կամ ուկրաինացի հին տարեգիրների օրինակով կազմել է Վովչա քաղաքի պատմությունը: Բարենկոյի տարեգրությունը թվում է ուկրաինական ժողովրդական, բանահյուսության բարձրարժեք ստեղծագործություն կամ տաղանդավոր տարեգրի աշխատանք, որը հիանալի գիտե իր քաղաքի պատմությունը, օժտոված է իր ժողովրդի դարերի խորքից եկող ազատասիրությունն ու մշտավառ երազները արտահայտելու ձիրքով: Ուրիշ ժողովուրդների պատմության, առհասարակ պատմության նկատմամբ տածած բուռն հետաքրքրությունն ու նրա մեջ թափանցելու կարողությունը արտահայտվել է Քոչարի նաև այլ երկերում և հրապարակագրական ելույթներում, բայց այս վկայում այն դրսևորվել է առանձնահատուկ խորությամբ:

Սակայն կարևորն այն է, թե հայրենական պատերազմին նվիրված վեպերի հեղինակներին որչափով հաջողվեց ստեղծել սովետական մարդու, ժամանակակցի, մարտիկի և հրամանատարի կերպարը: Պետք է ասել, որ շարքային զինվորների ճշմարտացի կերպարների ստեղծումը նշված վեպերի աչքի ընկնող առավելությունն է, և, վերջ ի վերջո, դրանով էլ պայմանավորված է նրանց զեղարվեստական-դաստիարակչական նշանակությունը: Առաջին օրինակը տվեց Ս. Խանգադյանը «Մեր զնդի մարդիկ» վեպում: Նրա շարքային զինվորները խիզախ, դիմացկուն, պարզ մարդիկ են, որ երկիրը թշնամիներից վերջնականապես մաքրելու, արևմտյան սահմաններին հասնելու մոմենտին լալիս են ուրախությունից և ուրիշ երկիր ոտք դնելուց առաջ հայրենի հող են լցնում ուսապարկերով: Մ. Շաթիրյանի «Զինվորներ» վեպի հերոսների մեջ կան նաև հրամանատարներ միջին և բարձր կազմից, բայց վեպի ամենահաջողված կերպարը շարքային Սաբլինի կերպարն է: Նրա միջոցով շատ բան է ասված սովետական շարքային զինվորի պրպտող, շարլոնի դեմ բմբոստացող ոգու, հաղթելու աննկուն կամքի մասին: Կոլորիտային, իր լավատեսական հումորով ուշադրավ է Օնիկ Ծրագյանը Դ. Սևունցի «Գերիներ» վեպում:

Բայց շարքային մարտիկների կերպարներ ստեղծելու առումով առանձնապես աչքի ընկավ Հր. Քոչարի «Մեծ տան զավակներ» վեպը: Հերոսներից մի քանիսի ստեղծման համար հեղինակը կիրառել է դասական վեպի տրադիցիան՝ մարդը բնավորությամբ՝ կազմավորման պրոցեսի, զարգացման մեջ: Արգամ Վարդունին, Ուխարովը, Բենո Շառոյանը ամբողջական զեղարվեստական կերպարներ են նախ և առաջ այն պատճառով, որ պատրաստի բնավորություններ չեն, այլ պատերազմական կոնկրետ պայմաններում, տիպական միջավայրում համապատասխան զարգացում են ապրում: Դրանք բնավորություններ են, որոնց զարգացման պատմությունը պատերազմի պատմությունն է: Արգամ Վարդունին վեպի սկզբում պարծենկոտ, սին երազներով տարված երիտասարդ է, որ պատերազմ է գնում հեշտությամբ թշնամական գիներալներ գերելու, շքանշաններ ստանալու և փառք վաստակելու համար: Բայց ահա հեղինակը պատկերում է Արգամին վերավորներ տանող զնացքում: Երիտասարդն առաջին անգամ լսում է մեռնողների հառաչանքը և ուշքի գալով հասկանում է, թե իրոք ինչ բան է պատերազմը: Այնուհետև նա երևում է ընթերցողին առաջին մարտերի ժամանակ, երբ փախչում է խրամատից և ընկերների կշտամբանքներից ու սեփական թուլության գիտակցությունից՝ «երեխայի պես հեկեկում է», «գլուխը դնելով խրամաթմբին»: Զանազան այլ հանգամանքներ

րում Արզամբը դեռ դրսևորում է իր վերացական հասկացողությունների որոշ տարրեր, նա միանգամից չի փոխվում, այլ աստիճանաբար, պատերազմի ընթացքում պայմանների ազդեցության տակ: Եվ երբ վեպի վերջում ընթերցողը կրկին հանդիպում է Արզամին՝ ազատազրկած այդ թուլություններից, դարձած լայնահայաց ու կենսասեր երիտասարդ, հավատում է նրա մեջ կատարված փոփոխությանը: Հմայիչ գծերով նն օժտված նաև վեպի մյուս գինվորները: Միխայիլ Վեսյոլին՝ նահանջի նկատմամբ իր անկեղծ դժգոհությամբ, «ուխաբովչինայի» հանդեպ տածած բուռն ատելությամբ, Կարոն՝ իր հաստատուն բնավորությամբ, համեստությամբ և ներքին կորովով, Աննիկն՝ իր հետևողական սիրով, Մարիա Վովկն՝ իր շարժուն, բոլորին վշտակցելու և բոլորի հետ ուրախությունը կիսելու բնավորությամբ, Ֆերանյանը՝ «հայ անունը անպատիվ շանելու» սրտառուչ և հաշագատ սկզբունքով, — ամեն մեկը մի ինքնատիպ մարդկային գեղեցկություն է, սովետական մարդու լավագույն հատկություններ ունեցող հերոս:

Իգոր Սլավինի և Արսեն Տոնոյանի մեջ չի կարելի շտեմել հեղինակի անկեղծ պոետական հիացմունքը սովետական մարդու բյուրեղյա ազնվության, հումանիզմի ու լավատեսության նկատմամբ: Իգոր Սլավինի, այդ «մի քիչ կոմիկ», հումորի զգացումով հարուստ երիտասարդի երազները տիեզերքի խորքը թափանցելու, նրան տիրելու մասին առաջավոր մարդկության երազներն են, որ արդեն իրականություն են դառնում սովետական գիտնականների և ինժեներների ստեղծագործ աշխատանքով: Իգորի հետաքրքրություններն անսահման են, մարդու կարողությունների մասին նրա հավատը՝ անխախտ: «Որդերն իրենց փոսերից դենը չեն տեսնում, իսկ մարդն ամբողջ աշխարհն ու տիեզերքն է տեսնում: Ես շատ անգամ եմ Մարսի վրա էքսկուրսիա գնացել իսկ գիտե՞ս ինչքա՞ն հեռու է Մարսը մեզնից»:

Տոնոյանի կերպարն ստեղծելիս հեղինակը նկատի է ունեցել նրա սոցիալական էությունը: Տոնոյանը կոլտնտեսական է, գյուղացու որդի, միշտ հողի հետ գործ ունեցած, հողից բարիքներ ստացող մարդ: Ռմբակոծությունից պատառոտված հողից մի բուռ վերցնելով և շնչելով նրա «բուրմունքը», Տոնոյանը բացականչում է. «Մե՛ղք է հողը»: Այդ խոսքերի մեջ մի ամբողջ կենսափիլիսոփայություն, ազնիվ աշխատավոր մարդու մի ամբողջ աշխարհ կա:

Պատերազմի թեմայով գրված գրեթե բոլոր վեպերում հեղինակների ուշադրությունից չեն վրիպել ինքնապաշտն ու կարյերիստը, վախկոտն ու հոռետեսը, որոնք բնականորեն կոնֆլիկտի մեջ են շրջապատի հետ: Այդ տեսակետից համեմատաբար ամբողջական են և ցայտուն «Զինվորներ» վեպից Շուրպիխինի և «Մեծ տան զավակները» վեպից՝ Ուխաբովի կերպարները: Այս երկու հերոսները, լինելով տարբեր բնավորության տեր մարդիկ, — մեկը վախկոտ ու մորթապաշտ, մյուսը՝ քաջ և ճարտարախոս, — նույն փիլիսոփայությանն են հետևում՝ անհատապաշտ են: Ավելի հետաքրքիր է և խորը Ուխաբովի կերպարը: Անհատապաշտության և մարդատյացության սոցիալական հիմքերը մեղանում ոչնչացվել են, բայց գաղափարի մնացորդները դեռ ապրում են առանձին մարդկանց գիտակցության մեջ: Պատերազմը որոշ հող ստեղծեց այդ մնացորդների աշխուժացման համար: Ինդիվիդուալիստն այնպես է ցույց տալիս, թե ամենից ավելի է ատում թշնամուն և պատրաստ է քաջաբար տրորել նրան: Դրա դիմաց նա պետք է մեծարվի թե՛ ռազմաճակատում և թե՛ վերադառնալուց հետո: Նա պետք է հատուկ դիրք գրավի մեր հասարակության:



մեջ, իրավունք ունենա լինել ղեկավարների, «պետերի» և ոչ թե «ենթականելի» մեջ. «Ես խառնվածքով անկախություն, ինքնուրույնություն սիրող մարդ եմ, ուրիշի կամքը լուծ է իմ ուսերին: Նույնիսկ անասունները հաճությամբ չէ, որ իրենց վիզը լծի տակ են դնում: Եթե ուրիշները մեծ մարդիկ են, պետերի իրավունքներ ունեն իրենց նման հարյուրավոր, հազարավոր ուրիշ մարդկանց վրա, ինչո՞ւ ես չեմ կարող մեկը լինել այդ քչերից, ինչո՞ւ պիտի ես ենթարկվող գանգվածների մեջ լինեմ...»: Այսպես է դատում Ուխարովը: Մարդու հոգևորանությունը կապելով գլխավորապես բիոլոգիական հակումների հետ, նա պատերազմի ծանր պայմաններում դնում է ոչ թե ղեկի մարդասիրություն, այլ մարդատյացություն: Բնական է, որ «ուխարովչիկնան» զորամասում դառնում է ատելության ու արգահատանքի առարկա: Ծիշտ է լուծված Ուխարովի ճակատագրի հարցը: «Մեծն Պավել Սավելյևիչը» զլորվում է մինչև հանցագործություն, և զինվորական տրիբունալը դրա համար նրան մահվան է դատապարտում: Բնական է նաև, որ Ուխարովը դատավարության ժամանակ ֆատալիստ է դառնում. «Ծակատագիր է, դուցե այսպես պիտի լիներ»:

Պատերազմին նվիրված մեր վեպերում գործում են ոչ միայն շարքային մարտիկներ, կրտսեր հրամանատարներ, այլև զնդապետներ, ղեկերալներ: Այդ հրամանատարները խորիմաստ մտքեր են արտահայտում, նրանց ասածներից շատերը կարող են թեմալոր խոսքեր դառնալ: Բայց այդ բոլորը նրանք ասում են զրույցների, խորհրդակցությունների, առօրյա խոսակցությունների ժամանակ, ինչպես ակնարկի մեջ: Նրանք կոմունիստներ են և հեղինակները, քնականարար, նրանց մեջ աշխարհայացքի տարբերություններ չեն նշում: Բայց աշխարհայացքի նույնությունը բնավորությունների համահարթեցում, կյանքի հակասությունների ընկալման ու մեկնաբանման միօրինակություն չի նախորդում: Մինչդեռ մեր վեպերի շատ հերոսների մեջ նկատվում է այդ միօրինակությունը: Նրբեմն հրամանատարներն ունեն որևէ լավ գիծ, որ հիշվում է, կամ անցել են կյանքի տարբեր ուղի, բայց նրանց բնավորությունները չեն զարգանում, նրանց մեջ կարծես նախօրոք ամեն ինչ չափված-ձևված ու հաստատված է: Մակերեսային, շարուն ու թուլցիկ են մանավանդ հրամանատարների դատողությունները պատերազմի պատճառների և առաջին ամիսների անհաջողությունների և հակասությունների մասին:

Այս թերությունն ընդհանուր բնույթ ունի, և դա պատահական երևույթ չէ: Իրա պատճառները կապված չեն միայն հեղինակների, նրանց շնորհի առանձնահատկությունների հետ, այլ բխում են դադափարական կյանքում թույլ տրված սխալներից, մասնավորապես անհատի պաշտամունքի հետևանքով ստեղծված առանձնահատուկ դժվարություններից:

Թույլ դրականության մեջ վերջին տարիներս հրապարակ եկան վեպեր, որոնց մեջ համարձակությամբ ու ճշմարտացիությամբ պատկերվում է պատերազմական իրականությունն իր հակասություններով:

Պատերազմին նվիրված սովետահայ արձակի, նախ և առաջ վեպերի մեջ չի նկատվում այդ համարձակությունը: Նրանց մեջ զրեթե չի խոսվում սովետական հրամանատարների ծանր մտքերի մասին, չեն բացահայտվում նրանց սխալները, որոնք այսպես թե այնպես եղել են և չէին կարող չլինել անհատի պաշտամունքի հետևանքով: Որոշ զրոյներ կաշկանդում են իրենց այն մտայնությամբ, թե այդ բնույթի դատողությունները իրենց հերոսներին կարող են



դարձնել վախկոտ, կասկածամիտ, քաղքենի» Քր. Թափալցյանի «Պատերազմ» վեպում կա այսպիսի մի քանի տող. քաղղեկ Սանասարյանը դասակի հրամանատար Արամի «հուզված պահին» սկսում է նրան բացատրել մեր բանակի նահանջի պատճառները։ Հեղինակը, որ սովորաբար շարադրում է Սանասարյանի երկար ճառերը, այստեղ այդպես չի վարվում, այլ բավարարվում է իր կողմից ընդգծելով, թե՛ «նա բացատրում էր մեր բանակի ժամանակավոր նահանջի պատճառներն այնքան պարզ, այնքան լավ, որ Արամին թվում էին այդ բոլորը նորություն են»։ Ընթերցողն ավելի Ալեքսանդր Բեկի հերոս գեներալ Պանֆիլովին է հավատում, որն սկզբում խոստովանում է Մոմիշ-Ուլուն, թե չդիտե նահանջի պատճառները, և ապա ավելացնում, որ դիտե մասամբ միայն, այն է՝ «արհամարհեցինք ունությունը», քան թե Սանասարյանին։

Բայց չի կարելի մոռանալ, որ Թափալցյանի վեպի Լրկրորդ հատորը լույս տեսավ 1949 թ., ՍՄԿՊ XX համագումարից շատ առաջ։ Այն ժամանակ շատերն էին ստիպված որոշ սխեմայով «լավ» ու «պարզ» բացատրել «մեր ժամանակավոր նահանջի» պատճառները։

Հր. Քոչարի վեպում ավագ գումարտակային կոմիսար Ֆեդոսովը երկար քննադատում է Արշակյանին մարտերի ընթացքը և ավելացնում, թե «լավ նահանջը հաղթանակի ձևերից մեկն է, ամեն նահանջ պարտություն չէ», կամ՝ «լավ նահանջը հաղթանակ է» և այլն։ Այս խոսքերի վրա Արշակյանը «սրտի խոր ցավով» մտածում է. «Զլինեին մեր ձախորդությունները, սա չէր ասի, թե լավ նահանջը հաղթանակ է։ Կարծես թե մենք նահանջում ենք ոչ թե հակառակորդի ռազմական ուժի ճնշման տակ, այլ հատուկ ինչ-որ նպատակով թողնում ենք մեր մարզերն ու ժողովուրդը... Եվ լուրջ դեմք ընդունած, նա ինչ-որ տեսություն է կառուցում արդարացնելու այդ բոլորը։ Նա պարզապես մխիթարում է իրեն ու ինձ... Ուրիշ ի՞նչ կարող է ասել։ Վաղը ես էլ այդպես պիտի խոսեմ զինվորների մոտ»։ Իր այս մտքերով Արշակյանն զգաստ ու անձնվեռ հայրենասեր է, նա գեթ ինքն իրեն խաբելու ցանկություն չունի։ Արշակյանի այս ներքին մենախոսությունը հույս է ներշնչում, թե հեղինակը մտադիր չէ սահմանափակվել տրադիցիոն դարձած բացատրություններով։ Դժբախտաբար, վեպի զարգացման ընթացքում դա տեղի չի ունենում, որովհետև հեղինակն իրեն կաշկանդված է զգում։ Նույն Արշակյանը, որ այնպես զգաստ էր դատում նահանջի վերաբերյալ, բարձր հրամանատարությանը գեկուցում է Գալունովի մասին և նրան հանում են հրամանատարական բարձր պաշտոնից։ իսկ Լուդանսկոյը, լսելով Գալունովի՝ զնդակների տակ մարտադաշտով գնալու և «ո՛ւր են ձեր տանկերը» արտահայտության մասին, բնութագրում է նրան աչսպիսի խոսքերով. «Թանձր է մշուշը նրա հոգու վրա, և այդ մշուշի միջից ոչինչ տեսնելու ընդունակ չեն լինի նրա նմանները»։ Բայց ընթերցողը այստեղ էլ դժվարանում է հավատալ գեներալին, որովհետև Գալունովը ճշմարտություն է ասում տանկերի և ավիացիայի պակասության մասին, ինչպես նաև իրավացի է մեղադրում դրա համար «քաղաքագետներին»։ Կոմունիստի կոչման մասին հանրահայտ ճշմարտություններ ասելով, գեներալ Լուդանսկոյը շրջանցում է տանկերի և ավիացիայի պակասի, նահանջի, թշնամու կողմից «Խուսիայի կեսը» գրավելու հարցերը, դրանով ցույց տալով, որ հենց ինքն է, որ «մշուշի միջից» է նայում իրականությանը։ Որքան էլ որ հեղինակն աշխատել է դրական հատկություններով օժտել Լուդանսկոյին, այդ կերպարը մնացել է սխեմաներով մտածող այն ղեկավարի կերպարը, որը կարծում էր,

թե ամեն ինչ կանխորոշված է երկրի ամբողջ ղեկը իր ձեռքն առած ղեկավարի՝ հանճարով և ժողովրդի վիթխարի մարդկային ու նյութական կորուստները նախատեսված էին որպես հաղթանակի առաջին փուլ, իսկ այլ կերպ մտածող մարդիկ «կողմնակի», «հեռանկարը կորցրած» մարդիկ էին:

«Զինվորներ», «Գերիներ» վեպերում ևս հերոսները արհեստականորեն շրջանցում են այս հարցերը: Տանկերի, ինքնաթիռների պակասության մասին հիշելով, Շաթիրյանի հրամանատարները կա՛մ «հոգոց» են արձակում, կա՛մ «մտահոգված» երկնքին են նայում: Հեղինակը ընթերցողի առաջ չի բացում նրանց մտաշխարհը, ցույց չի տալիս, թե նրանցից ո՞րը ինչպես էր բմբուկում երկրի անսահման հնարավորությունների և իրականում ստեղծված դրության միջև եղած հակասությունները:

Իրավացի էր ուս նշանավոր բանաստեղծ Ալեքսանդր Տվարդովսկին, երբ պարտիայի XXII համագումարում ասաց. «Սակայն վերջին տարիների մեր գրականությունը, ...իմ կարծիքով, ղեռն չի կարողացել լիովին օգտվել այն նպաստավոր պայմաններից, որը նրա համար ստեղծել է պարտիայի XX համագումարը»:

Գրականությունը ոչ միշտ և ոչ ամեն բանում է հետևել այն համարձակության, ուղղամտության և ճշմարտության օրինակին, որ նրան ցույց է տալիս պարտիան:

Ինչու՞մ են մեր գրականության էական պակասությունը, որն առանձին պարզությամբ այժմ երևում է մեր XXII համագումարի բովանդակությունն ու պաթոսը կազմող լույսի տակ: Այդ պակասությունը կիսատ-պռատ ասելն է՝ կյանքի բազմակողմանի երևույթների, նրա բոլոր կողմերի և նրա առաջադրած խնդիրների ոչ-լրիվ արտացոլումը, եթե ասենք առանց երկդիմի խոսքի՝ կյանքի խորության և ճշմարտության պակասությունն է՞»<sup>1</sup>:

Վերջին տարիներին երևան եկան հայրենական պատերազմի թեմայով նոր վեպեր, որոնց մեջ հեղինակները շեն ձգտում ղեպերի և ժամանակների մեծ ընդգրկման, այլ աշխատում են կենտրոնանալ հերոսների հոգեկան կյանքի վրա: Դա հնարավորություն է տալիս փոքր ծավալի երկով հասնել հեղինակային մտահղացումների դիպուկ և հակիրճ գեղարվեստական մարմնավորման:

Բ. Հովսեփյանի «Սերմնացանները չվերադարձան» վեպի հերոսը՝ սովետական բանակի երիտասարդ կրտսեր հրամանատար Արտո Սասունյանը, որին վիճակվում է ռազմաճակատ մեկնել պատերազմի առաջին օրերին և ականատես լինել ու ապրել բանակի առաջին լծիսների անհաջողություններն ու դառնությունները, չի ձգտում հիմնավորել ու արդարացնել այդ անհաջողությունները, նահանջը, նա էլ Քոչարի վեպի Միխայիլ Վեսյուխի նման՝ քաղաքացիական իրավունքի գիտակցությամբ պատասխան է պահանջում այն հարցին, թե մեզ ասել են, որ մեր երկիրը ամենից հզորն է, ամենից լավ զինվածը, ուրեմն ինչու են մեր երկինքը սեպնում թշնամու ինքնաթիռները, իսկ մեր ինքնաթիռներն այնքա՛ն քիչ են և այնքա՛ն դանդաղաշարժ: Հերոսի յուրահատուկ կրքոտությունն ու անկեղծ գայրույթը՝ պատերազմին անհրաժեշտ պատասխանատվությամբ ու պորժիմացությամբ չվերաբերվելու համար, քաղաքացիա-

<sup>1</sup> Ա. Տվարդովսկի, Ճառ պարտիայի XXII համագումարում, «Գրական թերթ», 1961, № 45:



կան պաթոս է հաղորդում վեպին: Դրա հետ միասին ավելի ցայտուն են դրսևորվում սովետական երիտասարդի լավագույն գծերը: Ըմբռնելով կամ կռահելով, որ Բանակի նահանջը «ստրատեգիական քայլ» կամ «հաղթանակի տնհրաժեշտ պայման» չէ, Հովսեփյանի հերոսը չի կորցնում հաղթանակի հեռանկարը և միշտ հաստատ է մնում իր զինվորական պարտքի գիտակցությանը: Նրա մեջ միշտ առանձին ուժով, ազգային բնավորության երանգներով դրսևորվում է ատելությունը դեպի թշնամին, ինչպես նաև անհանդուրժողական վերաբերմունքը դեպի յուրայինները, որոնք զերծ չեն արատներից և վատ են պատերազմում: Բայց Արսու Սասունյանը, ինչպես և Կոնկինն ու Կամալովը միաժամանակ հումանիստներ են, ինտերնացիոնալիստներ: Նրանք սպանում են անկախ իրենց կամքից, թշնամու թելադրած պատերազմի հետևանքով, հանուն իրենց ժողովրդի ազատության: Նրանց մեջ ամենաուժեղ գծերից մեկը քաղաքացիական պատասխանատվության, ժողովրդի հանդեպ պարտքի զգացումն է, որը միանգամայն ներդաշնակ է մարդասիրության հետ:

Մ. Սարգսյանը «Կյանքը կրակի տակ» վեպում իր հերոսի բերանով լավ է արտահայտել սովետական զինվորի բնավորության այդ գիծը. «Այո, այստեղ թշնամիները սպանում են իրար, սպանում եմ ես էլ, սակայն մարդասպանությունն իմ արհեստը չէ: Ինձ սպանության չի մղում նաև ինքնապաշտպանության բնազդը, ոչ: Ամենազգայուն և մեծ զգացմունքը՝ հայրենասիրությունն այստեղ միանում է պարտականության անողորմության հետ և բարձրացնում է ձեռքը թշնամու վրա»:

«Կյանքը կրակի տակ» վեպում պատերազմական իրականությունն իր բարդությամբ ու հակասություններով երևում է բանաստեղծական պրիզմայի միջով, որն ազդում է անմիջականորեն, հուզում է ու վեհացնում: Այս ստեղծագործության հերոսը լայնասիրտ է, բարի, մարդասեր, նա կարծես կրում է ամբողջ ժողովրդի ուրախությունն ու վիշտը, սիրում է, ատում և ներում նրա մեծ սրտով: Պատերազմի ողբերգական դրվագների նկարագրության ժամանակ էլ հեղինակին չի լքում նուրբ լավատեսությունը, յուրահատուկ հումորը, որը միախառնված է կյանքի և բնության ներդաշնակության խոր զգացողությանն ու մի փոքր թախծալի քնարականությանը: Մ. Սարգսյանի հերոսն իր օրագիրը կազմել է այնպես, որ նրանում տեղ գտնեն ամենախտացված, ամենակարևոր ճշմարտությունները պատերազմի մասին: Դեպքերին տրված գնահատականները, պատմողի կողմից դրանց րմբռնումն ու գնահատականը անմիջական են, խորն ու անկեղծ: Դրանք հեռու են հեռտրականության տարրերից: Հեղինակն իր ամեն մի խոսքը քաղում է սրտից, արյունով ու արցունքով է գրում ամեն մի տողը:

Հայրենական պատերազմին նվիրված վեպերը, իրենց թերություններով հանդերձ, կարևոր ավանդ հանդիսացան սովետահայ գրականության մեջ: Նրանց ամենամեծ արժանիքն այն է, որ պատկերեցին շարքային մարդուն՝ զինվորին, ցույց տվին նրա հոգեկան գեղեցկությունները: Այդ վեպերում գեղարվեստորեն իմաստավորվեց սովետական մարդու հայրենասիրությունը, որպես սոցիալական ու ազգային հավասարության, ինտերնացիոնալիզմի խտացված արտահայտություն: Հայ ռազմիկների հաջողված կերպարների միջոցով այդ վեպերը պատկերեցին պատմական ճշմարտությունը հայ ժողովրդի կորուվի, անձնուրաց մասնակցության մասին Սովետական Միության հայրենական մեծ պատերազմին:

Հայրենական պատերազմին նվիրված վերջին տարիների վեպերը հաղթահարեցին հտպատերազմյան շրջանի առաջին տարիներին նկատվող նկարագրայնությունն ու նատուրալիզմի տարրերը, ինչպես նաև անհատի պաշտամունքի տարիներից մնացած սխեմատիզմն ու կաշկանդվածությունը, կարողացան կանգնել պարզ ու հստակ, խորաթափանց և պատկերավոր արվեստի ճանապարհի վրա:

#### ОТРАЖЕНИЕ ОТЕЧЕСТВЕННОЙ ВОЙНЫ В АРМЯНСКОМ СОВЕТСКОМ РОМАНЕ

Յ. Օ. ԴՄԿԱՅԱՆ

(Ր Ե Յ Յ Մ Ե)

Отечественная война явилась одной из главных тем послевоенного армянского советского романа. В начале этого периода были созданы большей частью объемистые, многоплановые романы. Некоторые из них схематичны, описательны и страдают риторичностью. Но были также романы, которые сумели художественно воплотить в себе идею морально-политического единства социалистических наций, показать, что в первую очередь благодаря этому единству Советская Армия одержала победу над фашистской Германией.

Основная ценность и художественно-воспитательное значение этих романов — создание образа советского воина, главного героя войны, раскрытие его духовной красоты. В романах удалось показать самоотверженную борьбу сынов мужественного армянского народа вместе с сынами других народов Советского Союза, вскрыть интернациональную сущность идеалов этого народа.

Некоторая скованность в литературе в период культа личности помешала романистам глубже изобразить сложное, полное драматизма военное время. Однако романы, появившиеся в 1961—1963 гг., уже преодолевают эту скованность и недосказанность, а также описательный стиль и схематизм. Все более становится явственной тяга к глубокому и проникнутому жизнью, сжатому и выразительному роману.